



Publicaziuns dalla vischnaunca, jamna 14

Votaziun communal

L'urna principala en casa communal ei aviarta sco suonda:

Sonda 23-4-2016 18.30–19.30

Dumengia 24-4-2016 9.00–11.00

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 22 d'avrel 2016**, allas 17.00 tier l'administraziun communal, tel. 081 920 36 36

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/la observar il suandont:

1. Emplenir ora ils cedels da votar e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau dafrancar) ni directamein fierer en la scaffa da brevs dalla casa communal.

Ils cedels da votar ston esser sil pli tard la sonda, ils 23 d'avrel 2016 allas 12.00 tier l'administraziun communal. Il certificat dil dretg da votar ei da suttascriber. Senza Vossa suttascripziun cun agen maun ei la votaziun nunvaleivla.

Suprastonza communal

Damondas da baghegiar

2016-1022.000

Datum dalla publicaziun: ils 8 d'avrel 2016

Il patron: Catrina Resort AG, Via Sontga Catrina 12, 7180 Disentis/Mustér

Il representant: Fanzun AG, Salvatorenstrasse 66, 7000 Chur

Object: Construcziun d'in resort cun habitaziuns administradas, hostel, spa, uustria, stizuns e localitads da menaschi, parcella 1332, Sax Sut, 7180 Disentis/Mustér

2016-1023.000

Datum dalla publicaziun: ils 8 d'avrel 2016

Il patron: Thomas Monn Wachterweg 3, 8057 Zürich

Il representant: Biro d'architectura Rico de Castelberg, Via Alpsu 2, 7180 Disentis/Mustér

Object: Construcziun d'ina surbaghegiada cun pliras habitaziuns, parcelas 787 e 790, Via Veglia 1 e 3, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.

La protesta sto esser motivada e suttascretta dil recurrent ni da siu representant.

Disentis/Mustér, ils 6 d'avrel 2016

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2016 – 1011.000

Aluis Flepp-Hüppi, Via Clavaniev 3A, 7180 Disentis/ Mustér; sanaziun dil baghetg cun midada d'intent, parcella 1409, Via Clavaniev 13, 7180 Disentis/Mustér.



Nr. 2016 – 1013.000

Manuel e Claudia Flepp-Wieland, Via Principala 3, 7175 Sumvitg; construcziun d'ina casa d'ina famiglia, parcella 3879, Via Nova 3 (Caschuarz), 7180 Disentis/ Mustér.

Nr. 2016 – 1017.000

Interessenza clutger da zenns, 7180 Disentis/Mustér; installar ina tuor da zenns (Reka), parcella 962 (3865) Via Cons 11, 7180 Disentis/Mustér.

Disentis/Mustér, ils 5 d'avrel 2016
Uffeci da baghegiar Disentis/Mustér

Rimnada da pupi

Venderdis, ils 22-4-2016

Adatg! Ei vegn mo rimnau gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00– 17.30) e sondas (10.00–12.00).

Bien engraziament per Vies agid e sustegn! *Scolas Mustér, Ch. Berger*

Invitaziun Seniors-Ca

Proxima sentupada: **gievgia, ils 14-4-2016 dallas 14.00–16.00 en Puntreis**

Restar activs: Pusseivladads da passatemps raschuneivlas sco persuna singula ni/ed en gruppa.

Geraua Cecilia Maissen-Desax
persuna da contact

Pleiv s. Gions Mustér

Radunonza generala dalla pleiv s. Gions, venderdis, ils 8 d'avrel allas 20.15 en halla Cons

Tractandas:

1. Elecziun da dus dumbravuschs
2. Protocol dalla davosa radunonza generala
3. Elecziuns:
 - president
 - ugau-baselgia s. Gions
 - president dil cussegl pastoral
 - commembers dil cussegl pastoral
 - revisur/a da quen
4. Rapport dil president
5. Rapport dil cussegl pastoral
6. Rapport da quen: pervenda s. Gions
7. Rapport da quen: baselgia s. Gions
8. Rapport da quen: baselgia Segnas
9. Rapport da quen: baselgia Cavardiras
10. Rapport dils revisurs
11. Damonda da credit per la baselgia s. Antoni
12. Preventivs e fixar il pei da taglia
13. Orientaziuns
14. Undraziuns
15. Varia



Uniun da dunnas Disentis/Mustér

«Dunnas ella politica»

Nus envidein tuttas dunnas tier nossa sera d'informaziun. La referenta Silvia Casutt da Falera, deputada dil cussegl grond, sco il referent Livio Zanetti, president dil cussegl da vischnaunca da Mustér, dattan investa el mintgadi politic. Per damondas stattan els bugen a Vossa disposiziun. Nus s'entupein **mesjamna, ils 13 d'avrel 2016** allas 20.00 el local Aua Viva. Suenter il referat vegn offeriu in pign apéro. Sin in grond diember da dunnas selegran

las organisaturas e la suprastonza

Crear flipflops cun Catarina Steger

23 d'avrel 2016, 13.00–ca. 17.30

Liug: casa da scola Mustér, stanza C

Annunzias: entochen ils 15 d'avrel 2016 tier Catarina Steger, telefon 081 947 64 08,
076 529 58 47, csteger@scoladisentis.ch

Nus mein comunablamein a teater: «Igl apiestel da legums». Ina cumedia en 3 acts, translata da Ignaz Spescha, reschia Romy Carigiet

Nua: a Siat Cu: **mesjamna, ils 20 d'avrel 2016**

Partenza: halla Cons Mustér, 19.10

Annunzias: entochen ils 13 d'avrel 2016, per telefon 081 947 52 81,
per mail: tina@corsinbundi.ch

Sin bien seveser

Corporaziun d'aua «Las Fontaunas» Mumpé Medel

Radunonza generala, mesjamna ils 13 d'avrel 2016 allas 20.15 el local «la scursalada» a Mumpé Medel.

Tractanadas:

Beinvegni

1. Elecziun da dus dumbravuschs
2. Prelecziun ed approbaziun dil protocol dils 14 da november 2015
3. Rapport dil president
4. Rapport project reservoir Vitgava
5. Rendaquen, rapport dils revisurs e dar scarica
6. Avegnir corporaziun d'aua «Las Fontaunas»
7. Orientaziun niev project
8. Taxas annualas
9. Varia

Ladies-Day in Disentis

Am **Samstag, 9. April 2016** von 11.00-17.00 Uhr findet im Hotel Sax die Haushalts-, Beauty- und Kreativprodukt- Messe statt. Männer sind ebenfalls herzlich willkommen.
Wir freuen uns auf Ihr Kommen!

Secziun da catschadurs Péz Alpetta

Radunonza da tgira, venderdis ils 8 d'avrel 2016, allas 20.15 el hotel Alpsu.



Praulas e historias cun Mats, la miur

Has ti gust da vegnir en biblioteca e tedlar praulas ni historias? Naturalmein astgas ti era prender cun tei tia mumma ni in'otra persuna accompignonta.

Mats, la miur e nus dalla biblioteca raquitein a ti ina praula ord in cudisch da nosssa valischa da surpresas e quei mintga gada il secund venderdis dil meins dallas 14.30 entochen ca. allas 15.30. Nus selegrein zun fetg sin tei ... Tgisà, forsa anflein nus mintgaton aunc enzatgei auter che mo cudischs en nosssa valischa da surpresas!

Cun ils pli cars salids e sin seveser tochen gleiti.

Mats, la miur ed il team dalla biblioteca populara Disentis/Mustér e contuorn

Termins: 8 d'avrel, 13 da matg ed ils 10 da zercladur 2016

Stalkino – Cinema Salaplauna

Film: Segantini – Magie des Lichts (CH 2015)

Mittwoch, 13. April, 20 Uhr Filmstart

Segantini malte in vielen seiner Werke die Berge des Kantons Graubündens. Jung starb er im Engadin auf dramatische Art und Weise in einer Alphütte auf 2700 Metern über Meer. Entstanden ist ein emotionaler Blick auf das Werk eines genialen Künstlers. Kollekte.

Producziuns finalas

MOVIS – MOVIment e Sault

Las 10 gruppas d'affons, giuventetgna e carschi da Mustér e las vischnaucas vischinontas presentan lur coreografias ch'ellas han exercitau duront igl onn da sault 2015/16.

Cu? **venderdis, ils 15-4-2016**, allas 20.00

sonda, ils 16-4-2016, allas 20.00

dumengia, ils 17-4-2016, allas 14:00

Nua? Halla Cons/Mustér.

Tanzaufführung MOVIS

Die 10 Kinder-, Jugend- und Erwachsenengruppen von Disentis und Umgebung präsentieren ihre Choreographien, die sie während des Tanzjahres 2015/16 einstudiert haben.

Wann? **Freitag, 15-4-2016**, um 20.00 Uhr

Samstag, 16-4-2016, um 20.00 Uhr

Sonntag, 17-4-2016, um 14.00 Uhr

Wo? Halle Cons/Disentis

Sin Vossa viseta selegran *ils MOVIS*

Corporaziun d'alp Cristallina Mustér

Radunonza generala, venderdis, ils 15-4-2016 allas 20.15 en casa da scola Segnas.

A stedia participaziun envida la suprastonza.

Fagiei aschi bien e dei part sche quei va sco giavischau.